

Gvangjsih Minzczu Bau

Cawiguenj: Gvangsijh Bouxcuengh Swcigh Minzczu Cunghvau Swvu Veijvenzvei

Cawibanh: Gvangsijh Minzczu Bause

Geiz neix 8 bani

广西民族报 Aenhauh okbanj: CN45-0036

B.2024

Nd.11 Ng.20

Liggaeuq gyapsaenz nienz ndwencib ngeihcib

Geizsoq: Gungh daih 3646 geiz

Hoihhoengh Vwnzyoz Cungguek 2024 • Haemh Cinmajciengj Youq Nanzningz Banh

11 nyied 16 hauh, hoihhoengh vwnzyoz Cungguek 2024 • haemh cinmajciengj youq Nanzningz banh, hozdung dwg Cungguek Cozgyah Hezvei, Guekgya Minzczu Swvu Veijvenzvei, Gvangsijh Bouxcuengh Swcigh Yinminz Cwngfuj caezcaemh cawibanh. Daengx Guek Yinzda Cangzveijvei fuveijyenzcangj, Cungguek Cozgyah Hezvei cujsiz Dez Ningz, Swcigh Dangjveij suhgi Liuz Ningz, Swcigh cujsiz Lanz Denhliz, Cunghyangh Dungjcanbu fubucangj, Guekgya Minzveij cujyin Banh Yoz,

Cungguek Cozgyah Hezvei dangicuj suhgi, fucujisiz Cangh Hungzswnh, Swcigh Cwnghez cujsiz Sunh Daveij, Swcigh Dangjveij fusuhgi, Cujcizbu bucangj Vangz Veizbingz, Cunghyangh Gijveij Guekgya Genhveij Capyouq Cunghyangh Senhconzbu Gijgenj Genhcazcuq cujcangj Sung Dwzminz camgya hozdung.

2022 nienz hainduj, Cungguek Cozgyah Hezvei doiok "hoihhoengh vwnzyoz Cungguek" aeu hozdung fat "seiq aen vwnzyozciengj hung" guh goek, fatciengj denjliz caeuq senhconz

doigvangq gij cozbij ndaej ciengj, lai roenloh cienzboq vwnzyoz neiyungz dox yungzhab, langhbaij gij cingzcik ceiq moq vwnzyoz hwngfat ndei saed seizdaih moq hawj daengx biengz.

Baez hoihhoengh neix aeu couqmaenh gij eijsik caezcaemh Cunghvaz Minzczu guh sienqmeh, hawj gij cozbij canghraiz maenhndei aeu gij vwnzyi hingzdai engq fungfouq, cienzboq fuengsik engq moqsag caeuq vunzlai doxbungz, caux "ngoenzciet vwnzyoz" bouxdoeg caeuqfaenh gvangqlangh, ok goeng-

renz vwnzyoz hawj gij yendaiva yiengh Cungguek cienzmienh doi-caenh hwnqguh aen guk ak, saehnied hungmbwk minzczu fukhwng.

Guekgya Minzveij, Cungguek Cozgyah Hezvei mizgven lingjauj, Swcigh seiq aen banhsuj mizgven lingjauj, Swcigh Genjcazyen cujyau fucwz dungzci, Cungguek Cozgyah Hezvei Cenzveijvei veijyenz, cienhangh veiyi daibayuj daengj camgya.

(daj 《Gvangsijh Yizbau》 aeu daeuj hoiz Cinz Yizcwz Vei Bizfungh)

Bingznanz Yen Majlen Yauzczu Yangh Guh Yienghsaeh Angqhoh Laebbaenz 40 Hopbi



Bonjbauq siusik(gicej Cau Dwzfeih) 11 nyied 15 hauh, Bingznanz Yen Majlen Yauzczu Yangh guh yienghsaeh angqhoh laebbaenz 40 hopbi. Vunzlai dangdieg doxcomz giz ndeu, ciengq go diuq foux gvaq ngoenzciet, nauhyied raixcaix. Mwh yienjheiq, 《Yauzczu Hoh Fungsou》 《Angqyangz Diuq Fouxsaux》 《Cungguek Gyaeundeij》 daengj cezmuz gig miz daegsaek de doxlwnz hwnj daiz yienj, langhbaij le gij yienghndei gak cuz vunzlai Majlen caezcaemh doxgiet buekguh, caezcaemh mwnhoengh hwngfat. Ndaw doz dwg bouxyienj youq gwnz daiz ciengq 《Cungguek Gyaeundeij》.

Gvangsijh Doiq Aen Yienh Henhoh Reihnaz Cingzcik Yienhda Baezdog Ciengj 600 Fanh Maenz

Mboengqneix, Gvangsijh goengboush gij mingzdan gikleih aen yienh (si, gih) henhoh reihnaz 2023 nienz, daengx gih 15 aen yienh (si, gih) gwnz buengj miz mingz. Ciuq 《Gij Banhfap Gikleih Henhoh Reihnaz Gvangsijh》, aen yienh (si, gih) ndaej gikleih bineix yaek ndaej baezdog ciengj ngaenzcienz 600 fanh maenz.

Ciuq 《Gij Banhfap Gikleih Henhoh Reihnaz Gvangsijh》 mizgven iugouz, Swcigh Swyenz Swhyenz Dingh caeuq Swcigh Nungzyez Nungzcunh

Dingh cunghab bingzgyaq le hong henhoh reihnaz 2023 nienz gak yienh (si, gih) daengx gih. Gij mingzdan ndaej ciengj faenbied dwg: Nanzningz Si Vujmingz Gih, Gyanghnanz Gih, Liujcuh Si Luzcai Yen, Gveilinz Si Yungfuz Yen, Gunghcwngz Yauzczu Swciyen, Bingzloz Yen, Vuzcuh Si Lungzhih Gih, Bwzhaij Si Hozbuj Yen, Fangzcwngzgangj Si Dunghhingh Si, Gveigangj Si Cinzdangz Gih, Yilinz Si Yungzyen, Hocuh Si Cunghsanh Yen, Fuconh Yauzczu Swciyen, Hozciz Si

Yizcuh Gih, Laizbinh Si Siengcuh Yen.

Ciuq cam rox, 2023 nienz, Gvangsijh doenggvaq doeksaed gak hangh hong youqgaenj henhoh reihnaz dangicwng caemh cwzyin, gyagiengz guenj guhlawz yung henhoh reihnaz, dingjeng henhoh reihnaz daengj banhfap, saedyienh reihnaz itbuen doengzbeij demgya 145%, coenghrenz reihnaz Gvangsijh lien-daemh song bi saedyienh henhoh ndaej ndei.

《Gij Banhfap Gikleih Henhoh Reihnaz Gvangsijh》 mingzbeig naeuz, cwngfuj aen yienh (si, gih) ndaej swcigh gikleih henhoh reihnaz wnggai aeu ngaenzcienz gikleih mbouj noix gvaq 80% yung henhoh reihnaz dieg guenleix aen yanghcin henhoh reihnaz cingzcik yienhda bae, haeujcoengh nungzcunh cizdij ginghcei cujciz guh hong henhoh reihnaz cingzcik yienhda de.

(Dangz Gvangjswngh Couh Yenfangh)